

Ona yurtning - oltin beshiging

TONG Yulduzi

№33 (66418)
2003 yil
25 avgust
dushanba
Sotuvda
erkin narxda

O'zbekiston bolalari va o'smirlarining gazetasi
Gazeta 1929 yil 1 avgustdan chiqa boshlagan



Mening bobojonim
Usmonov To'xta
Usmonovich 1931
yilning 28-avgustida
tavallud topganlar.
O'sha yillarning
qatag'on

Meditina institutiga hujjatlarini topshirgan ekanlar.
Imtihonlardan muvaffaqiyatli o'tgach, talaba bo'lgan
ekanlar. Talabalik kezlarida ziyoli insonlarning davrasida
ko'p bo'lgan ekanlar. Talabalik yillarida
juda ko'p domlalar bilan

sog'lik tilayman..

YUZGA KIRING, BOBOJON!

Barchamizning kamolimizni

ko'rib, ko'zlaringiz quvonib yursin,

bobojon!

mulohazali

fikrlar yuritgan ekanlar. Ular

qo'llariga diplom olgach, ilmiy ish qilishga

kirishib, uni ham muvaffaqiyatli tugatib, teri tanosil
kasalliklari bo'yicha fan doktori ilmiy unvoniga sazovor
bo'lgan ekanlar.

Bobojonim hozirgi kunlarda ham sevimli kasblarini
tashlamaganlar. Ularning «Xizmat ko'rsatgan shifokor»
unvonlari va ko'plab «Maqtov yorliqlar»i bor.

Mustaqillik bayrami arafasida bobojonim muborak 72
yoshga qadam qo'yadilar. Ular bilan birgalikda yillar
suronini yelkama-yelka tutib kelayotgan buvijonimga

Bobojonim, mehribonim,

Uzoq umr ko'rib yuring.

Yoningizda buvijonim,

Ila doim birga bo'ling.

Xizmatda biz nabiralar,

Labbay, deymiz har bir ishga,

Siz buyuring, biz tayyormiz,

Har bir ishu har yumushga.

Munisa UBAYDULLAYEVA,

Yunusobod tumani.

davriga uchrab, ota-
onalaridagi yerlari tortib olingach, boshqa viloyatga
ko'chib ketishgan. Bobomning onalari Bashorat aya
juda oqila, ziyoli ayol bo'lgan ekanlar. Qatag'on
yillarining, musofir joylardagi qiyinchiliklariga ham
qaramay, bobojonimga faqat o'qish kerakligini uqtirgan
ekanlar. Bobojonim ham ularning aytganlaridan
chiqmagan ekanlar. Ular maktabni bitirib, Toshkent

«FARZANDINGIZGA OLIB KETING...»

«Tong yulduzi» eng sevimli nashrim. Shuning
uchun ham uning har bir sonini qoldirmay o'qib
borishga harakat qilaman. Lekin bu nashrni gazeta
sotiladigan do'konlardan topish amri mahol-da.
Har doim, yo'q, deyishadi. Bor bo'lgan taqdirda
ham do'konning ichkarisidagi allaqanday gazetalar
taxlami orasidan olib berishadi...

Tunov kuni uyimiz atrofidagi do'kondan
so'rasam, bu gazeta bizga juda kam beriladi,
chunki hech kim olmaydi-da, deb javob berishdi.
Sababini so'rasam, lotin yozuvidagi gazeta va
jurnallarga talab kam emish.

Menimcha unday emas. Chunki lotin yozuviga
asoslangan alifboda tahsil olayotgan o'quvchilar

bu yil 10 - sinfga o'tishdi. Demak, bizning
tengdoshlarimiz bu gazetani bimalol o'qiy
olishadi. Faqat ularni o'qishga qiziqтира bilish
lozim, deb o'ylayman. Bu xayrli ishga gazeta
va jurnallar sotayotgan amaki va xolalarimiz
ham o'z hissalarini qo'shsalar, foydadan holi
bo'lmasdi. Qanday qilib, deysizmi?
Avvalambor «Tong yulduzi»ni ham
do'konning eng ko'rinarli joyiga ilib
qo'yishsa. Gazeta va jurnallarni asosan ota-
onalarimiz sotib olishadi. Boshqa nashrlarni
xarid qilish uchun kelgan xaridorlarga, mana
bu gazetadan ham o'g'lingiz yoki qizingizga
olib keting, juda qiziqarli nashr, deya maslahat

berishsa. Shu yo'l bilan
odamlarga, ayniqsa, yoshlarga
ma'naviyat ulashishdek xayrli
ishga hissa qo'shgan bo'lardilar.
Axir buning savobiga nima
yetsin?!

Maftuna QO'CHQOROVA,

Poytaxtdagi

179 - maktabning sinf

o'quvchisi.



Taraddud

Tez kunda o'yinqaroq, betashvish kunlarimiz tugab, jonajon maktab bag'riga
qaytamiz. Axir mehribon ustozlarni, bolalar bilan gavjum, sershovqin
sinfxonalarni sog'inmay bo'larkanmi.

Maktabimiz tumanda namunali bilim maskani sanaladi. U 200 nafar
o'quvchini bag'riga oladi, rus tiliga ixtisoslashgan. Muallimlarimiz barcha
fanlardan chuqur bilim berishadi. Shuning uchun bizda a'lochi, bilimdon
bolalar ko'p.

QO'SHALOQ BAYRAMNI KUTIB

Ta'lim maskanimizga tinib-tinchimas, serg'ayrat, uddaburon, ayni paytda
qattiqqo'l va talabchan rahbar Roza Yunusaliyeva yetakchilik qiladi. U kishining
sa'y-harakatlari, yelib-yugurishlari natijasida maktabimiz iyun oyidayoq to'liq
ta'mirdan chiqarildi. Shu kunlarda fan xonalarini jihozlash, maktab hovlisini
tozalab, tartibga keltirish kabi ishlar amalga oshirilmoqda.

Bu borada biz, o'quvchilar ham yaqindan yordam berayapmiz. Maktabimiz
qancha gullab-yashnasa biz o'quvchilar bundan faxrlanamiz.

Darvoqe, mening o'zim yangi o'quv yili uchun barcha darsliklar va o'quv
qurollarimni ham hozirlab qo'ydim.

Qo'shaloq bayram- respublikamizning Mustaqillik kunini va yangi o'quv
yilini puxta tayyorgarlik ko'rgan holda sabrsizlik bilan kutayapmiz.

Nodira JO'RAYEVA,

Andijon viloyati, Ulug'nor tumanidagi 20-maktabning

6-sinf o'quvchisi.

BO'STONGA AYLANGIN, O'ZBEKISTONIM!

Men ushbu maqolamni hur diyorumning muborak «12» bahoriga ehtirom bilan bag'ishlayman.

Biz hech kimdan kam emasmiz va kam bo'lmaymiz ham.

Vatan! Yurakni entiktirib, dilga in qurgan muqaddas tuprog'im. Bahor qadami ila anhor yoqasida asta bo'y cho'zgan jajji yalpizim. Har sahar qoshim qatlarida qarolik yurgizgan o'sma-yu surmam kabi menga qadrdon u. Go'daklikdan meni issiq bag'rida ulg'aytirgan beshigim.

Ey, bugun ilk muchalini qarshilayotgan, baxtu shodlikdan dili entikkan onaizorim - O'zbekiston! Men shu mukarramu muazzam o'lkani «parilar shahri»da voyaga yetgan tog' qizidirman.

Mening Vatanim Navoiyu Behbudiyarlarni, To'marisi Shiroqlarni o'z bag'rida allalagan O'zbekistondir. Bu o'lkani o'tmishini varaqlab yuraging ko'pchib tushadi. Necha-necha asrlar mobaynida erk deya entikkan yuraklarda beixtiyor tug'yonlar bo'roni mavjlanadi.

Chingizxon bosqini, Botu, Jo'jilar. Arab istilosi, Chor Rossiyasining adoqsiz zulmi. 30-yillarning suronli, qonli, sovuq shamollari. Xalqning asl o'g'lonlari, ko'z qarog'lari. Cho'lponu Elbeklar, Nodirayu Fitratlar, Fayzulla Xo'jayevlar. Erku istiqloq umidida buyuk ajdodlarimiz jondan kechsa kechdiki, vatandan kechmadi. Dushman oldida mag'rur boshlari xam bo'lmadi hargiz.

YURTIM
Tog'dan asta ko'tarib bosh,
Jilmayadi bobo quyosh.
Xo'roz qichqirar jonsarak,
Tong otdi, deb berar darak.
Ko'rganini sirli tushlar,
Chuvvos solib so'ylar qushlar.
Kuylay boshlar rayhon, gul ham,
Labida bir shoda shabnam.
Uyg'onadi jami jonzot,
Ko'chalar ozoda, obod.
Shukronali bir shavq bilan,
Boshlanadi jo'shqin hayot.
Bobom kumush ketmon bilan,
Go'yo yerga bitar g'azal.
Rizq barakat ungan dalam,
Mehnatidan ko'rkam, go'zal.
Mahbuba SIDDIQOVA,
Namangan viloyati,
Chortoq tumanidagi
45-maktabning 7-sinf o'quvchisi.

Kulgan boshqalardir, yig'lagan menman,

O'ynagan boshqalar, ingragan menman.

Erk ertaklarini eshitgan boshqa,

Qullik qo'shig'ini kuylagan menman.

Hazrat Cho'lponning bu she'rini oddiy nazar bilan o'qish kuflikdir. Istiqloq quyoshi qalbimizni yoritayotgan bugungi kunda bizning farovon hayotimiz uchun kimlarningdir begunoh boshlari kundaga qo'yilganligini unutmoq esa Janobi Haqning qahriga duchor bo'lmoq bilan barobardir.

Bugun o'zimizning dinimiz, tilimiz va faqat bizga, ko'nglimizga tegishli bo'lgan ozod bayrog'imiz va hur O'zbekistonimiz bor. 1991 yil 31 avgust kuni dunyo xaritasida yana bir ozod davlat paydo bo'ldi. Ana shu go'dak bugun 12 yoshda. 12 yosh... Ilk muchal yoshi. Mustaqilligimizning har bir yilida ulug' ajdodlarimizning yubileyi munosabati bilan qad rostlayotgan inshootlar, madrasayu majmualarni aytmaymizmi?

O'zbekiston! Onaizorim. Qalbm quyoshi. Senga atalajak dil so'zlarimga quloq ber: Hamisha istiqloq osmonida mangu charaqlab turavergin. Senga qora nazar bilan boqqan g'animging yuzi ters bo'lsin. Bag'ringda ungan nihollaring ulg'ayib, bo'stonga aylangin, O'zbekistonim.

Sadoqat DADAYEVA,

Parkent tumanidagi 5-ixtisoslashtirilgan litsey-maktabning 9-«A» sinf o'quvchisi.

Men inshoimni bir afsona bilan boshlamoqchiman:

Yer yuzida bir shahar bo'lgan ekan. Bu shaharning atroflari mustahkam qo'rg'onlar bilan o'ralgan, aholisi esa tinch-totuv yashashar ekan. Bu shaharga egalik qilmoqchi bo'lgan

GULLAYOTGAN VATANIM
tanloviga

muhit, oilasi katta ahamiyatga ega. Vatan uchun kerak bo'lsa jonini ayamagan askar akalarim oldida haligi xoin darvozabonni qilgan ishi vatanparvar ishiga mutloq ziddir. Vatanimiz sarhadlariga

firog'ida kuyib, g'azallar bitadi. Tarix zarvaraqlarni varaqlayversak, vatan ishqida aziyat chekkanlar qanchadan-qancha. Ularning adog'iga yetib bo'lmaydi. Mustaqillik kunlariga yetisha olmagan, uni orzu qilgan ota-bobolarimizning bugungi kunda orzulari ushaldi. Yaqinda mustaqilligining 12 yilligini nishonlaydigan

TUPROG'I ZAR VATANIM!

dushmanlar esa bu shaharga kira olmay, qilichlarini havoda o'ynatib, qaytib ketishaverarkan. Bir vaqtda bu shahar bir johil odam egallamoqchi bo'libdi. U nimani bo'lsa ham ishga solib, shu shaharni olmoqni istabdi. Navkarlaridan ikki kishini shahar ichiga qalandar kiyimida kiritib yuborib, u yerdagi ahvolni bilib chiqishni tayinlabdi. Ayg'oqchilar ikki kun o'tgach qaytib kelishibdi. U yerda to'qchilik, ahilchilik hukm surayotganini, birorta ham gado yo'qligini aytishibdi. Shunda ularning boshliqlari ayg'oqchilarni yana shaharga jo'natibdi. U yerda darvozabonlardan birini oltinlarga ko'mib, boy bo'lib ketishini aytishlarini, faqat buning evaziga shahar darvozalarini ochib berish kerakligini tayinlabdi. Ayg'oqchilar bir oltinga o'ch bo'lgan bir darvozabonni topishibdi. Uning xatti-harakatlarini bir necha kun kuzatishibdi. Oxiri unga oltinlar va'da qilishibdi. Darvoza qorovuli bunga rozi bo'libdi. Mash'um kunlarning birida el shirin uyquda yotgan mahalda shaharga yog'iy bostirib kelibdi. Ular barchani qilichdan o'tkazibdi. Shaharda ariqlarda suv o'rniga qon oqibdi. Shaharni qo'lga kiritgan dushmanning boshlig'i o'sha darvozabonni chaqirtiribdi. Darvozabon boyib ketishni umid qilib, uning oldida ta'zim qilib, endi unga sidqidildan xizmat qilishini aytibdi. U esa qilichini qinidan sug'urib, o'z eliga vafo qilmagan inson o'zga elga ham vafo qilmaydi, deb darvozabonni boshini tanasidan judo qilibdi. Shunday qilib, bir ochko'z darvozabon tufayli bir xalq qirilib ketgan ekan...

Inson uchun eng aziz go'sha o'z vatani hisoblanadi. U ana shu yerni bir umr tavof qilib, asrab-avaylab o'tadi. Insonni ona vataniga muhabbatni shakllanishiga esa tashqi

bostirib kirish niyatida qilingan hujumlarda o'z jonini ayamay biz uchun, oilasi tinch yashashi uchun o'z jonidan, huzuridan kechgan Doniyor, Ulug'bek, Elomon, Qahramon akalarimiz o'z ismlariga mos bo'lib, ona vatanni himoya qilishda halok bo'ldilar. Biz ularni hamisha yodimizda saqlaymiz. Vatanparvar bo'lish osonmas. Vatan oldida labbay, deb javob berish uchun hamma talablarga javob bera olish, vatan oldidagi muqaddas burchimiz

- uni asrashni sidqidildan

bajarishimiz

lozim. Biz

yashayotgan

vatan esa

O'zbekistondir.

Uni bejiz

«Serquyosh

o'lkaga»

deyishmaydi. Bu

yerda bir-biridan

shirin mevalarni,

qovun-tarvuzlarni

hech qayerdan topib

bo'lmasa kerak. O'z

vatani ishqida kuyib-

yongan Boburni eslang.

U vatanidan keltirilgan

qovunni boshqa

qovunlarga o'xshatmasdan,

mazasi va hididan ajratib

olganini aytadi. Bir umr vatani

O'ZBEKISTONIM

O'zbekistonim sensan vatanim,

Sen uchun fidodir mening jon-tanim.

Noming tanilgandir butun jahonga,

Baxt qushi qo'ngandir sening boshingga.

Islom bobom yaratgan yangi zamonda,

Sen quchgan bog'laring bo'ldi lolazor.

Tinchlikni istaydi barcha bolalar,

Seni duo qilar bizning onalar.

Yurtim vodiylaring naqadar go'zal,

Chamanda sayraydi bulbullari hur.

Kelajakka intilib yashaymiz biz ham,

Ko'makdosh xalqingga sen zo'r qanot bo'l.

Sen uchun jonini fido qilishga,

Tayyordir ey elim, butun yoshlaring.

Gullagin, yashnagin, tinch har qachon,

Ey, nurli diyorum hur O'zbekiston.

Dildora JO'RAYEVA,
Samarqand viloyati, Pastdarg'om tumani.

O'zbekistonni bugungi kunda juda ko'p mamlakatlar tan olmoqda. Bu yillar ichida mamlakatimizda ko'p o'zgarishlar bo'ldi. Bir-birlaridan chiroyli binolar, go'zal manzarali ko'chalar odamni ko'zini qamashtiradi. Bu yerga tashrif buyurayotgan chet ellik mehmonlar ham bu mamlakatning obodligidan ko'ngillarida allaqanday iliqlik bilan ketadilar. Prezidentimizning tashabbuslari bilan bir nechta tarixiy obidalar qayta ishlanib, asl holiga keltirildi va ziyoratgoh joyga aylantirildi. Bu yerga kirib chiqayotgan har bir sayyoh yana bir marta kelish ishtiyoqida ketadi. Bizning vatanimiz ana shunday o'ziga maftun qiladigan, odam bir marta suvini ichsa, yana kelgisi kelaveradigan muqaddas joydir. Biz yoshlar ota-bobolarimizdan yodgorlik bo'lib qolgan mana shu muqaddas tuproqni avaylab-asrab, unib-o'sib kelayotgan ukajonu singiljonlarimizga qanday bo'lsa, shundayligicha taqdim etishimiz darkor. Men mana shu hur mamlakat - O'zbekistonda yashayotganimdan faxrlanaman. Kundan-kunga chiroy ochib, gullab-yashnab kelayotgan ona vatanimizga hech qachon ko'z tegmasin.

Mohinur

SIROJIDDINOVA,
Parkent tumanidagi
12-o'rta maktabning
9-sinf o'quvchisi.

16 «QO,SHIQCHI»

«Qo shiq» aytar ming'irlab,
O'yin tushar g'ing'irlab,
Yashirinib oladi
Chiroqni yoqsam nolon.

Bu zumrasha, bu beyuz —
Chaqirilmagan mehmon,
Qo shig'ining haqqiga
So rar mendan faqat... qon!

15 QO'G'IRCHOQ

Yeru ko'kka ishonmas
Qo'g'irchog'in Zeboxon.
Choy ichgan payt choy ich, der,
Non yeganda tutar non.

Ko'rinmay qolsa agar,
Tinmas topguncha izlab.
Keyin kechgacha yurar,
Qo'g'irchog'ini «siz»lab!

8 MUSHUK BOLASI

Boqamiz deb qo'shnimizdan
Olib chiqdik mushuk bola.
Musichadan sal kattaroq,
Qulog'i oq, dumi qora.

Qo'limizdan sira qo'yamay,
Tezroq katta bo'l, dedik biz.
Oyimizga bildirmasdan
Unga faqat go'sht berdik biz.

Bilgan ishi «miyov-miyov!»
Tinmay dodlar tushlik mahal.
Na non yeydi, na sut ichar,
Qiyma ber, deb qilar janjal...

23 PISHIQCHILIK

- Kim urishdi, kim urishdi?
Yuzu ko'zing, ayt nega qon? -
Deya so'rar Sobirjondan
Buvijoni bo'lib hayron.

- Qon emas, - der Sobir polvon
Supachaga to'shab sholcha.
So'ng qo'yniga qo'lin solib,
Buvisiga tutar... olcha!

30

KAMALAKJON

(Zeboning she'ri)

Paydo bo'lsang boshimda
Aqlim shoshib qoladi.
Aqlim shoshgani sari,
Zavqim toshib qoladi.
Chiqolmasman oldingga,
(Axir emasman-ku qush).
Yomg'irlarga osilib,
Sen yaxshisi, pastga tush.
Tushsang, sochinga o'xshab,
Qilib qo'ygum jamalak.
..Osmoningda meni ham
Ko'rasanmi, kamalak?..

7

TABIAT ALIFBOSI

Qulupnay, tut va glios —
Bu bahor sernoz.
Qovun-tarvuz, handalak —
Oltin yoz, demak.
Ko'sak «gullab», anorga
Kirsa qirmiz tus,
Yetib kelgan bo'ladi
O'lkamizga kuz.
Boshlansa sharbat, qiyom,
Tuzlama ochish,
Bilaverki, qor yog'ar —
Bu degani qish...

24

OCHOFAT

Orni bilmas ko'zi och,
Ko'zi ochdan nari qoch.
U bilan borsang «gap»ga,
To'yoki ziyofatga,
Uyatni sira bilmay,
To'ldirar og'zin timmay!

Aziz o'quvchi! Qo'yingizdagi
she'rlar majmuasini o'zingiz
sahifalab, kiob holiga keltirib
oling. Chunki bu kiob rost
so'ylab, quvonch va qayg'usini
oson namoyon qiladigan, qadr-
qimmat, qarindosh -urug'lar
hurmatini biladigan Siz
bolajonlar haqidadir. Sodda va
quvgina, quvnoq va yig'loqigina
qahramonlaringiz o'z olami,
yaqin ko'rgan odamlari haqida
shirin til bilan gapirib, beixtiyor
o'ziga sizni do'st qilib qo'yadi.
Lotin yozuvidagi kioblaringiz
soni yana bittaga oshganidan
quvonasiz, deb o'ylaymiz.

17

ENG TO'G'RI

JAVOB

- Senga qay fasl
Yogadi ko'proq? -
Deya Yulduzdan
So'radi Uzoq.

O'ylab ham ko'rmay,
Shunday der Yulduz:
- Yozda yoz fasli,
Kuzda bo'lsa, kuzi!

14

YOZ TUNI

O'ynab-o'ynab gulbog'da
Lolaxor horib-toldi.
Ovqatin ham yemasdän
Birpasda uxlab qoldi.
Aylgan gapi shu bo'ldi,
Tongda ochgach ko'zini:
- Uyguga hech to'y madim,
Buncha qisqa yoz tuni?
Qay oqshom Lolaxonning
Rosa og'ridi ko'zi.
Na oyisin uxlatdi
Va na uxladi o'zi.
Mijja qoqmay, voy-voylab
Yuraklarni qildi xun:
- Tezroq otaqol, ey, tong,
Yoz tuni... buncha uzun?

9

A'ZAMJON

- Yaqin ko'chalar qolib
Qayerlardan kelyapsan?
It quvgandek ortingdan
Dam olmasdan yelyapsan?
Shunaga qilaversang,
Oyoqlaring toladi.
Velosipeding ham tez
Ishdan chiqib qoladi.
Dadasin gaplariga
Parvo qilmas A'zamjon.
Yana ko'chaga shoshar
Apil-tapil chaynab non:
- Velosipedim yangi,
Uning g'amin yeyapman.
Eskirib qolguncha
Minib olay deyapman...

22

MEHMONDORCHILIKDA

Mehmon-mehmon o'ynadik,
Dilnoza bilan.
Mezbon bo'ldi Dilnoza,
men esa mehmon.
Divanlari bor uyga
Kirib oldik-da,
To'ygunimizcha yedik
suzma, bodring, non.
Qandu murabbo solib
choy ichdik keyin,
Ko'tpachalar choy ichdi,
choy ichdi gilam.
O'yinimiz rosayam
qizigan mahal,
«Voy, sho'rim!», deb bizlarni
koyidi xolam...

YANGI
SHE'RLAR

Abdurahmon AKBAR

NON OVQAT

So'rab qo'ymas onasi:
- Ovqating yeysan qachon?
- Endi unga to'rt qoshiq,
Shakar kerak, oyijon!

Non ovqatu non ovqat,
Kuch-quvvatga kon ovqat.
Ammo uni yeyishga
O'tkir shoshilmas faqat.

Qolgan-qutgan nonlarni
Choyiga to'g'rab bir-bir,
Oyisiga non ovqat
Tayyorladim, der O'tkir.

NON OVQAT

«O'RTOQLAR»

Qiqirlar Zebogina
Ularni qo'ldan qo'yмай:
- Dada, giloslarimiz
O'rtob qolib olibdi!

Gilos qoqib bergandim
Zeboxonga erinmay,
Oldiga qo'shalog'i
Qarang, tushib qolibdi.

«O'RTOQLAR»

KAMALAK

Quyosh bor paytda
Quyosh bo'lib qolar!»!
Qalamlar bor paytda
Yerliklar kutib tolar.
«Million yilki ahvol shu,
Yerliklar kutib tolar.
Qalamlar bor paytda
Quyosh bo'lib qolar!»!
Kel, quyoshjon, tezroq kel.
Rasm chizib ber bizga,
O'chirg, iching bo'lar yel.
Million yilki ahvol shu,
Yerliklar kutib tolar.
Qalamlar bor paytda
Quyosh bo'lib qolar!»!

KAMALAK

Yetti qalam, yetti rang,
Yetti ohang kamalak.
Qayerlarda yuribsän,
Quyosh — sochi jamalak?
Qalamlaring topildi,
Bulut qog'oz ham tayyor.
San'atingdan bahramand
Bo'laylik bizlar bir bor.

25

29 KUCHUKCHAM

Mayin yungli kuchukcham
Qarang, tushunar so'zim.
Uni mushdekligidan
Katta qilganman o'zim.
Ovqat tutsam hozir ham
Quvonadi vovullab.
Xuddi rahmat, degandek,
Qo'llarim qo'yar yalab.

2 TURPCHA

MASLAHAT

- O'tiribmi yo turib,
Turibmi yo o'tirib,
Seni qanday yesam soz,
O'zing ayta qol, turp?
- Ming bir dardni
tanadan
Yubora olgum quvib.
Meni qanday yesang, ye,
Ye faqat
doim yuvib...

5

QUYON

O'rtoqlarim ismimmi
Ziyrak Quyon, deydilar.
Bo'ri yurgan yo'llarda
Ko'zi giyon deydilar?
Bo'ridan-ku qo'rqmayman
Afti uning tasqara.
Qachon ko'rsam, hammaga
Bo'lib yurar masxara.
O'sha Bo'ri o'zini
Chopag'on deb o'ylaydi.
Menga: «Senni, shoshmay tur!»
Deyishini qo'ymaydi.

26

DANGASAVOY

To'yib-to'yib uxlaydi,
To'yib-to'yib ko'rar tush.
To'yib-to'yib esnashni
Dangasavoy ko'rar xush.
To'yib-to'yib darn olar,
To'yib yeydi muzgaymoq.
To'yib-to'yib ichar choy,
To'yib yalar bol, qaymoq.
Vaqt topar, to'yib-to'yib
Kavshashga nonu ovqat.
To'yib-to'yib ishlashga
Dangasada yo'q toqati!

18

BOLA TILI

Jajji qizcha — Zeboxonni
Maqtasangiz, erib ketar.
Qiziq-qiziq so'zlar aytib,
Ko'nglingizni xushnud etar.
Erkalanib, ezmalanib,
So'z boyligin etar «ko'rik»:
- Dovuchchaning oti nima,
Dovuchchaning ota — o'rik!

13

SHUHRATJONNING TOVUG'I

Shuhratjonning tovug'i qiziq:
Qorni ochsa zir-zir chopadi.
Hech vaqo yo'q — yalang yerdan ham
Yegulik nimadir topadi.
Shuhratjonning tovug'i qiziq:
Fe'l-atvori bir o'ziga xos —
Ba'zan qorni och bo'lmasa ham
Tuxumini yeb qo'yar paqqos!

10

ZEBO DEGAN QIZGINA

Qo'llarida ko'zmunchoq,
Yarmi qora, yarmi oq.
Biram sho'x, biram quvnoq,
Zebo degan qizgina.
«Oyi» deyishni bilar,
«Dada» deyishni bilar,
Endi bir yarim yashar,
Zebo degan qizgina.
Holva bilan ishi yo'q,
Demang, yana tishi yo'q,
Qand bersangiz, demas yo'q,
Zebo degan qizgina.
Yillar o'tib yil kelar,
Kongil sevinchga to'lar,
Bir ajoyib qiz bo'lar,
Zebo degan qizgina...

21

ABADIY MASHMASHA

Yana o'sha mashmasha:
Mushukni quvlar kuchuk.
Har galgidek yetolmay,
Irtillay boshlar xunuk.
Mushukvoy bu safar ham
Yo'l tutar maymunga xos —
Oro kirar joniga
Hovlida o'sgan gilos.
Shovbından zada qo'ylar
Kuchukka tashlashar gap:
- Chiqolmasang daraxtga
Nima qilasan quvlab...

19

«GAZITXON»

-Sobirning qo'lidan
Gazit tushmas erta-kech.
Ba'zilardek vaqtini
Bekorga o'tkazmas hech.
Oyxola nabirasin
Maqtar ekan timmasdan,
-Gapingiz rost, buviyon,
Deb kulib qo'yar Hasan.
U bilar, o'trog'ida
Borligin qanday odat —
Ko'rsatuvlar tartibin
O'qir Sobirvoy faqat.

12

O'RDAKCHAM

O'rdakchanning ovozi
Jarangdor juda.
Og'zi timmas «g'a-g'a»lab
Yuvinsa suvda.
Rostini aytsam, unga
Havasim kelar —
Mendan kichik bo'lsa ham
Suzishni bilar!

11

O'ROZ

Ikki yashar ukam O'roz
Har kuni yer to'rtta xo'rozi!
Sal kamiga ko'nmaydi hech,
Kelirtirar bo'lsa ham kech.
Bitta qo'y may yeydi barin,
Xo'rozlari xusha'm, shirin.
Har kungisin rangi har xil:
Bir kun qizil, bir kun yashil.
Kunda yesa to'rtta xo'roz,
Mesh ekan-da, dersiz O'roz?
E qayoqda, ukam nimjon,
Na bahodir va na polvon.
O'yin bilan doim banddir,
Xo'rozlari — xo'rozqanddir.

20

NOZIKOYIM

Nozikoyim nozik xo'p,
Tegib ketisa hamki to'p,
O'n to'rt soat irillar,
Ko'rib ko'ngil zirillar.
Maktabdan kelsam qaytib,
Eski qo'shig'in aytib,
Nozikkina nozikcha
Yig'labdi yana ancha.
Oppog'im deb ovutdim
Silab mushdek boshini.
Dastro'molchaga artidim
Qolgan-qutgan yoshini.
- Ne bo'ldi? - deb so'rasam,
Peshonasin bosdi ter.
- Pufak bilan opacham,
Meni rosa urdi! - der.

HUSHYORLAR

Bilsang, shunday itlar bor,
Ular nafaqat hushyor,
Yo'llarni erinmasdan
Nazorat qila olar.
Velosiped tezligin
Ozgina oshirsang sen,
Allaqancha joygacha
Ortingdan quvib solar!

28

«O,CH»

Semiz bo'lsam ayb mendami?
Uyatmi to'la bo'lish?
Ishaham zo'r bo'lsa netay,
Nahotki kerak o'lish?
Akam meni masxaralab,
Kulishini qo'y maydi.
Kula-kula faqat o'zin
Huzurini o'ylaydi.
«Shkaf» bo'lsa bir kun nomim,
Bir kun ismim «Bo'g'irsoq».
(O'z ukasin ranjitishga
Haddi sig'arkin qandoq?)
Akamning bu so'zlaridan
Rosti, rosa to'yaman.
Alam qilsin deb ovqatin
Bildirmay ... yeb qo'yaman!

3

YONG, OQXO'R

- Bilasanmi nimaga
Miyaga o'xshar yong, oq? -
Shunday deya o'rtog'in
Boshin qotirar Uzoq.
- Yong, oq, bu aql, zehm,
Yong bu kuchu qudrat.
Shuning uchun har kuni
Men yong, oq yeyman faqat.
- Har kun yong, oq yesa ham
Uzoq qol, ob bo'lib
Aqli yetmas aqalli
Bir tup yong, oq ekishga!

4

LUG'LAT

Gulni ko'rib Gulg'un, uncha
Qomatini egdi sal:
Hidlay-hidlay dedi so'ng:
- Buncha bo'lmasang go'zal!
Bolari kelib qo'ndi
O'sha gulga bir mahal.
Gulni o'qib dedi u:
- Buncha bo'lmasang asal!

27



1. Simon Bolivar qaysi davlat asoschisi?

A) AQSH; B) Urugvay; C) Chili.

2. O'zbekistondagi «Yilning yaxshi futbolchisi»?

A) A.Geynrix; B) M.Qosimov; C) N.Quttiboyev.

3. BMTning qarori bo'yicha, 2003 yil qanday yil deb e'lon qilindi?

A) «Obod mahalla» yili;
B) «Toza ichimlik suvi» yili;
C) «Qariyalar» yili;
D) A,B to'g'ri.

4. Bola huquqlari to'g'risidagi Konvensiyaga O'zbekiston qachon a'zo bo'lgan?

A) 1991-yil, 31 avgust; B) 1992-yil, 8 dekabr;
C) 1992 yil, 2 iyul; D) 1992 yil, 2 mart.

5. «O'zbekiston XXI asr bo'sag'asida» asari muallifi?

A) I.Karimov; B) A.Oripov;
C) O'.Hoshimov; D) Said Ahmad.

6. O'zbekistonlik iste'dodli qizlarga beriladigan mukofot nomi?

A) «Taron»; B) «Zulfiya»;
C) «Nihol»; D) «Ofarin».

Tuzuvchi:

Bibimaryam XO'JANOVA,
Qoraqalpog'iston Respublikasi, Xo'jayli tumanidagi
57-maktab o'quvchisi.

ARALASH

TEST

Tengdoshlaring ijodi

VATANIM POSBONLARI

Yuragida o'ti borlar,
Ko'zida quvonch porlar,
Yog'sa hamki yomg'ir, qorlar,
Onaning oq sutin oqlar,
Vatanim posbonlari.

Sarhadlarni bo'ylaydi,
El tinchligin o'ylaydi,
Ular bor yurt quvnaidi,
Vatanim posbonlari.

Yurar mardona g'olib,
Dushmanga qayg'u solib,
Qasamin yodga olib,
Vatanim posbonlari,
O'zbeгим o'g'lonlari.

Dilnoza SORBOYEVA,
Toshkent viloyati,
Ohangaron tumanidagi
12-maktabning
9- «D» sinf o'quvchisi.

VATAN ISHQI

Yuragim qo'rida nur sochar oftob,
Uning nurlaridan olarman bahra.
Oftob yuragimda sochar ishq o'tin,
Bu «Vatan ishqidir» ishqlardan sara.
«Vatanda munavvar»- o'chmas alanga,
Bu ishq yuraklarda mavjlanib turar,
Demakki, Vatanga bo'lgan muhabbat,
Ezgulik, Ollohning quvonchi bo'lar.



TUYG'ULARNING ULUG'I

Xayol og'ushiga cho'kadi shoir,
Shoir xayolida ming xil fikrlar.
Bu uning Vatan ishqiga doir,
Mana shoir yozgan ushbu satrlar.
-Ollohim, yurtimni asragin doim,
Yurtim quchog'ingda gullab yashnasin.
Ollohim, faqat sendan bir iltijoyim,
O'lsam, Vatanimni panohga olgin!
Shoirning yuragi Vatan ishqidir,
Vatanga muhabbat cheksiz bir dunyo.
Sen ham yurt ishqini o'zingdan qidir,
Bu amalga oshuvchi eng ezgu ro'yo.

Gavhar NORINBOYEVA,
Toshkent viloyati, Ohangaron tumanidagi
33-maktabning 7- «A» sinf o'quvchisi.

QOSHIG'U VILKA...

Statistikaning ta'kidlashicha,hozirga kelib sayyoramiz aholisining 1,4 milliard ovqatni qo'lda, taxminan 1,5 milliard tayoqchalar bilan va 600 millioni esa qoshiq,pichoq va vilka (sanchqi) yordamida tanovvul qilar ekan.

Shifokorlarning aytishicha,tayoqchalar bilan ovqat yeyish sog'lik uchun foydali ekan, negaki, ovqat tanovvul qilish vaqtida ko'p sonli muskul paylari va organizmning 30 ta asab nuqtalariga ta'sir ko'rsatib, muskul va asab tizimi faoliyatini faollashtirar ekan.



Ovqat yeyish tayoqchalari qoshiq va vilka bilan bellashgan holda Xitoy, Yaponiya, Koreya, Vyetnam va Uzoq Sharq mamlakatlarida keng tarqalgan.

Suyuq ovqat tanovvul qilish uchun qo'llaniladigan qoshiqni qadimgi Misrda bundan 5000 yil avval o'ylab topishgan ekan. O'sha vaqtda qoshiqlarni loy, yog'och va toshdan yasashgan ekan. Qadimda assiriylar bronza va mis qoshiqdan foydalanganlar. Yevropada esa mazkur oshxona pribori O'rta asrlarda paydo bo'lgan. Beixtiyor yevropaliklar qoshiq paydo bo'lgunga qadar sho'rvani qanday ichgan ekanlar, degan jumboqli savol tug'iladi.

Ma'lumki, vilkaning «tavallud topgan joyi» Vizantiya bo'lib, kumush va oltindan yasalgan ikkita tishi bo'lgan. Uzoq vaqtgacha vilkadan faqat zodagonlargina foydalanishgan. Yuz yillik davomida vilkalarning shakli va hajmi bir necha bor o'zgargan, suyak, shox, chinni, yog'och, temir ushlagichli, keyinroq esa melxior va alyuminiyli, endi bo'lsa umuman plastmassa vilkalar paydo bo'lgan. Keyinchalik esa hatto ixtisoslashgan - go'sht, baliq,ho'l mevalar uchun vilkalar paydo bo'ldi.


Qachonlardir, Angliya qirol saroyida bo'ladigan ziyofatlarda vilkalarni tishi yuqoriga qilib qo'yilar edi. Bir kuni, 1725 yilda ziyofat vaqtida qirol Georg I qizg'in bahs ustida mushti bilan stolga urgan vaqtda qo'lga vilka kirib ketgan ekan. Shundan keyin, qirolning maxsus farmoyishi bilan vilkalarni tishini pastga qilib qo'yiladigan bo'libdi.

Ruminiyada shu turdagi yagona muzey tashkil etilgan.Uning ekspozitsiyasida o'nlab mamlakatlardan yig'ilgan 5400 turli xil yog'och qoshiqlar mavjud.

Aziza ALIBOYEVA tayyorladi.

BO'SH O'TIRMAY, BOSH QOTIR!

GULLAYOTGAN VATANIMIZ
tanloviga



Bo'yiga: 2. Yaqinda 2000 yilligi nishonlangan shahar. 3. O'zbekiston Respublikasida davlat boshqaruv shakli qanday? 4. O'qigan, dono, zukko. 5. Neftni qayta ishlash zavodi mamlakatimizning qaysi shahrida joylashgan? 6. O'zbekiston-Koreya qo'shma korxonasi qaysi shaharda joylashgan? 7. Yurtimizda yagona bo'lgan metall zavodi qaysi shaharda joylashgan? 8. Ortig'i bilan, to'la. 12. Buxorodagi maqbara. 13. Zulfiya olgan mukofotning nomi. 14. Daraxt. 18. Milliy boyligimiz. 22. Rang, xil. 23. Tongda o'qiladigan namoz. 24. Da'vo. 26. Jarohat. 27. O'zbek elining milliy libosi. 28. Orom, hordiq. 29. Milliy mato. 32. Milliy taom. 33. Jizzaxdagi tuman. 35. Bizdan ozod va ... obod Vatan qolsin. (I.Karimov). 36. Aql, zakovat bilan boshqalardan ajralib turuvchi jonzot. 37. Mehmonxonalaridan birining nomi. 39. «...li emas, epli bo'ling» (Maqol). 41. Marjon.

Eniga: 1. Istiqolning 4 yilligi munosabati bilan nashrdan chiqqan 3 tildagi kitobning nomi. 9. Inglizcha «janob». 10. Shahrisabzning ikkinchi nomi. 11. Sirg'a. 12. Biror metallning eng ko'p joyi. 15. Toshkent - ... shahri. 16. Hayron. 17. Uchquduqdagi eng asosiy metall koni. 19. Ulug' zot. 20. ...-Buxoriy, ...-Xorazmiy, ...-Farobiy. 21. Daraxt. 23. Yaqin qarindosh. 25. O'zbekiston Respublikasi Oliy Kengashi va Vazirlar Mahkamasining gazetasi. 30. Toshkent Traktor zavodi. 31. Sensan sevarim, xoh ..., xoh ...ma. (Lutfiy g'azali). 32. Karashma. 34. Ona qo'shig'i. 36. Uy hayvoni. 38. Respublikamizdagi bog'chamaktab nomi. 39. Yurtimizdagi daryo nomi. 40. Ong, es. 42. Bug'doy mahsuloti. 43. Lotin alifbosidagi 22 harf.

Tuzuvchi: Nigora BONU, 29 - maktab o'quvchisi.

| | | | | | | | |
|----|----|----|----|----|----|----|----|
| 1 | 2 | 3 | 4 | 5 | 6 | 7 | |
| | | | 8 | 9 | | | |
| 10 | | 11 | | | | | |
| 1 | | 12 | | 13 | | | |
| 2 | 14 | | | 15 | | | |
| 3 | 15 | | | 16 | | | |
| 4 | 17 | | | 18 | | 28 | |
| 5 | 18 | | 19 | 20 | | | |
| 6 | 20 | 26 | 21 | 27 | 23 | 24 | |
| 9 | 25 | 29 | | 30 | 31 | | |
| 7 | 30 | | 31 | | 32 | 35 | 33 |
| 10 | 34 | | | | | | |
| 11 | | | 36 | 37 | 38 | | |
| | 39 | | | | 40 | 41 | |
| | | | | | | 42 | |
| | | | 43 | | | | |

Diskoteka nima? U asli qayerdan paydo bo'lgan? Bu kabi savollar ko'pchilikning xayolidan o'tgan bo'lsa kerak, albatta. Ba'zi yoshlar uni madaniy hordiq, kayfiyatni ko'tarishning bir usuli deb hisoblaydilar. Menimcha unday emas. Ko'pchilikning orasida turfa muqomlar bilan raqs tushishi sharqona urf-odatlarimizga to'g'ri kelmaydi. To'g'ri, dam olish ham kerak. Bo'sh vaqtimizni do'stlar davrasida yaxshi kuy va qo'shiqlar tinglab, maroqli suhbat qurishga nima yetsin?! Agar uni badiiy kitoblar o'qishga, hunar o'rganishga, bilimimizni boyitishga, til o'rganishga sarflasak, undan ham soz bo'lardi. Ushbu fikrlarimni

DISKOTEKANI OLTINGA SOTIB OLMANG

o'qib, ayrim «zamonaviy» tengdoshlarim «bo'sh vaqtini qanday o'tkazish har kimning shaxsiy ishi-ku», deyishlari mumkin.

To'g'ri, men ularga nasihat qilmoqchi emasman, birgina niyatim — yoshlik davrini oltinga ham topib bo'lmashigini eslatib qo'yish. Shunday ekan, osmon qadar buyuk, osmon qadar musaffo orzularimizga erishish yo'lida undan unumli foydalanaylik.

Bu borada sizning fikringiz qanday aziz tengdoshlarim?

Gulruhbegim ODASHBOYEVA,

A.Navoiy nomli Respublika

Nafis san'at litseyining

II - «V» tarix sinfi o'quvchisi.



Shahar ko'chalarini aylanib yurib, peshtoqida «Kitob jamiyatning ikki qanotidir», degan yozuv ilingan kitob do'koniga ko'zim tushdi. Ichkariga kirdim. Ikki-uch nafar yoshi ulug'roq kitobxonlarni hisobga olmaganda, do'kon deyarli bo'm-bo'sh edi. Sotuvchilari ham bekorchilikdan zerikib, mudrab o'tirishardi.

ENG OSUDA MASKAN

Javonlarga chiroyli qilib terilgan kitoblarning aksariyati bolalar uchun mo'ljallangan bo'lishiga qaramay, bironta ham kitobxon o'g'il-qizni uchratmadim. Menga qolsa bu yerni shahrimizdagi eng osuda maskanlardan biri, deb atagan bo'lardim.

Aynan ana shu do'konga tutash bo'lgan yana bir binoga kirdim. Zamonaviy kompyuterlar bilan jihozlangan xona 10 - 12 yoshli bolalar bilan gavjum edi. Peshtoqiga «Internet klub» deb yozib qo'yilganiga qaramay, bu yerda «Internet»dan foydalanayotgan birorta ham bolani ko'rmadim. Ular kompyuterda har xil jangari o'yinlar o'ynash bilan band edilar. Kutubxonalaru kitob do'konlarining xuvillab yotishi sababini endi anglagandek bo'ldim...

Berilib o'yin o'ynayotgan bir bolani biroz kuzatib turdim. U shu qadar o'yinga berilib ketgan ediki, bu jang xuddi hayotda ro'y berayotgandek hayajonlanardi. Bir payt bor ovozi bilan «o'ldirdim, raqibimni o'ldirdim», deb baqirib

Bugun mening rejalarim juda ko'p. Oyim ishdan kelguncha ovqat pishirishim, hovli-ko'chalarni supurib-sidirishim, ukamni bog'chadan olib kelishim kerak.

Singlimni bog'chadan olib kelib, o'zim yumushlarimni bajarishga kirishib ketdim. Ishlarimni tugatib uyga kirsam, singlim yo'q. Yugurib ko'chaga chiqdim. Qo'shnimiz Muhayyo kelinoyimdan so'radim. Ular ham ko'rmadilar. Birma-bir hamma qo'shnilarimizning uylariga kirib chiqdim. Hech qayerda yo'q. Oyoq-qo'lim bo'shshib, qo'rqqanimdan yig'lab yubordim. Bu singlimning birinchi

SHU HAM HAZIL BO'LDI-YU...

emas, o'n oltinchi bor yo'qolib qolishi edi. Ko'chaning boshida oyijonimni ko'rib, battarroq yig'ladim. Ular nima bo'lganini so'radilar. Men yig'i aralash bo'lgan voqeani aytib berdim. Shunda Muhayyo kelinoyim birdan sharaqlab kulib yubordilar. Bilsam, ular men bilan hazillashmoqchi bo'lib, singlim Diloromni uylariga yashirib qo'ygan ekanlar...

Hazil qilish yaxshiku-ya, lekin qaltis bo'lmasin-da, to'g'rimi?

Dilrabo YUNUSOVA,

Toshkent shahar,

Sobir Rahimov tumanidagi

249 - maktabning 8 - «G» sinf

o'quvchisi.

qoldi. Eshitgan quloqqa dahshat soluvchi bu so'zlarni u shunday mamnuniyat va g'urur bilan aytardiki, beixtiyor o'ylanib qolasan kishi. Chet ellardan kirib kelayotgan bunday

jangari filmlar, o'yinlar yoshlarimiz ongiga vahshiylik, buzg'unchilik

g'oyalari singdirmayaptimi? Nahotki, ularning

ota-onalari farzandlarining nimalar bilan mashg'ul bo'lishayotgani, qanday filmlar tomosha qilayotganliklari bilan qiziqishmasa?..

Shular haqida o'ylar ekanman, to'g'risi, bo'g'ilib ketdim. Avtomatlarning shovqin-suroni quloqni qomatga keltiruvchi bu xonadan tezroq tashqariga chiqib ketgim keldi.

Yo'lakdan keta turib ikki bolakayning suhbatini qulog'imga chalinib qoldi. Har ikkisining qo'lida kitob. O'qib chiqqan kitoblarini bir-birlariga maqtab ketishardi. Yarim yo'lida ular kitoblarini almashib, xayrlashishdi. Men ham biroz yengil tortgandek bo'ldim.

Durdona OLIMOVA,

Toshkent shahridagi

196 - maktabning

10 - sinf o'quvchisi.

YOSHLIK QASIDASI

Oppoq tun payti. Xushhol yotardim. Osmon sokin edi, chaqnar yulduzlar. Oymomo jilmayib kulib boqardi. Qalbmida tuyg'ular to'lib-toshardi. Qalamim olib ayvonga chiqdim. Go'yo izlaganim bir zumda topdim. Oydinli tunda, oppoq kechada yoshlikka ajib bir qasida bitdim.

Yoshlik, go'yo so'lim, gulgun bahorsan. Nafis gulchechagu ko'm-ko'k niholsan. Inson deb atalmish ajib xilqatning chaman gulzorida gultojdirdsan. Ezgulikka yo'l ochib, barg yozsin yoshlik. Sen bilan boshlanar jamiyki borliq. Sen malaksan, parilar havas-la boqqan. Olam sen-la quvonib, chechaklar taqqan. Yoshlikka yarashur maftunkor suqsur bo'yi -bast. Qalam qosh, charos ko'z, g'uncha lab, mohitob chehra. Shundan-da dil orom oladi bahra.

O, yoshlik, go'zallikning ma'nosisan sen! Buyuk hayot sozining navosisan sen! Umr daftarinig bahosisan sen! Pokiza, g'uborsiz orzularimsan, qalbm ummonidagi sho'xliklarimsan, afsuski, sen qaytmas davronsan. Armonlar ham qolmas balki dunyoda. Lekin yoshlik chog'lari qaytmaydi hech ham, hattoki orzular ushlaganda ham. Yoshlikning sarvari siz, aziz yoshlar! Yurtimning ko'z gavhari siz, aziz yoshlar! Biringiz opamsiz, biringiz akam, biringiz singlimu biringiz ukam, biringiz dugonam, biringiz tengdosh. Vatan deb yashaylik, bo'lib yelkadosh!

Sevar JABBOROVA,

Qashqadaryo viloyati,

Shahrisabz shahridagi Bedil nomli maktab o'quvchisi.

Ona yurtning - olin beshiging
TONG Yulduzi

O'zbekiston bolalari va o'smirlarining gazetasi

Muassislar:
O'ZBEKISTON MATBUOT VA AXBOROT AGENTLIGI, O'ZBEKISTON RESPUBLIKASI XALQ TA'LIMI VAZIRLIGI, «KAMOLOT» YOSHLAR IJTIMOIIY HARAKATI, «SOG'LOM AVLOD UCHUN» XAYRIYA JAMG'ARMASI

Bosh muharrir
Umida ABDUAZIMOVA
TAHRIR HAY'ATI:
Feruza JALILOVA
(Bosh muharrir o'rinbosari),
Shuhrat AHMEDOV,
Jamoliddin FOZILOV,
Oynisa MUSURMONOVA,
Qahramon QURONBOYEV,
Po'lat MO'MIN,
Mukarrama MURODOVA,
Tohir MULLABOYEV,
Ergashvoy SARIQOV.

Nashir «Ijod dunyosi» nashriyot uyi.

Gazeta «Ijod dunyosi» nashriyot uyi kompyuter bo'limida terib sahifalandi.

Hajmi A-3, 2 bosma taboq.

«Sharq» nashriyot - matbaa aksiyadorlik kompaniyasida ofset usulida bosildi.

Adadi - 33729

Korxonalar manzili:

«Buyuk Turon» ko'chasi, 41.

Buyurtma № F - 502

Gazetani

Ma'suda

IRISNAZAROVA

sahifaladi.

Navbatchi:

Ozoda

TURSUNBOYEVA

Ro'yxatdan o'tish tartibi № 000137
Manzilibiz: 700129,
Toshkent shahri,
Navoiy ko'chasi,
30-uy.

Tel: 144-63-08

144-63-75